

Statut Asocijacije za umjetničku fotografiju u Bosni i Hercegovini (u daljem tekstu AUF BiH) donijela je Skupština Asocijacije na sjednici od 11.06.2002. godine. Izmjene i dopune Statuta donijela je Skupština AUF BiH na sjednici održanoj 22. decembra 2007. godine, te test Statuta na osnovu ova dva dokumenta je sljedeći :

**Statut
Asocijacije za umjetničku fotografiju
u Bosni i Hercegovini**

I Osnovne odredbe

Član 1.

AUF BiH nastavlja djelovanje i zasniva svoje postojanje na osnovama Udruženja fotografa Bosne i Hercegovine formiranog 22. oktobra 1910. godine te registrovanog kod Zemaljske vlade BiH pod rednim brojem 201613.

AUF BiH preuzima prva i obaveze Saveza foto i kino amatera BiH formiranog 15. septembra 1947. godine, čiji je pravni sljedbenik.

Član 2.

AUF BiH je interesno udruženje dobrovoljno udruženih građana koji se udružuju u cilju ostvarivanja ličnih i zajedničkih interesa i potreba u oblasti fotografije.

II Naziv, sjedište, područje djelovanja

Član 3.

Naziv udruženja je: Asocijacija za umjetničku fotografiju u Bosni i Hercegovini.

Асоцијасција за умјетничку фотографију у Босни и херцеговини

Skraćeni naziv je : AUF BiH - АУФБиХ

AUF BiH ostvaruje svoju aktivnost na teritoriji Bosne i Hercegovine. Sjedište AUF BiH je u Tuzli, ulica Šeste bosanske 4.

Svi natpisi na oznakama AUF BiH su ispisani latinicom i ćirilicom.

Član 4.

AUF BiH ima svojstvo pravnog lica .

III Pečat i štambilj

Član 5.

AUF BiH ima svoj znak, zastavu, pečat i štambilj. Znak AUF BiH dat je u prilogu Statuta.

Član 6.

Pečat AUF BiH je okruglog oblika prečnika 3 cm sa znakom AUF BiH i ispisanim tekstom oko znaka Asocijacija za umjetničku fotografiju u Bosni i Hercegovini, latinicom i ćirilicom. Štambilj AUF BiH je pravougaonog oblika sa znakom AUF BiH na lijevoj strani, te prostorom za datum, broj, organizacionu jedinicu i prilog.

IV Svrha, programski ciljevi i zadaci

Član 7.

AUF BiH svojim djelovanjem, programom i akcijama doprinosi razvoju i popularizaciji fotografije kao tehnike i umjetnosti, te radi na usklađivanju interesa u oblasti fotografije kao sastavnog dijela kulture i tehničke kulture. AUF BiH posebno radi na:

- planiranju i razvoju masovne, elementarne i vrhunske fotografije i aktivnim bavljenjem fotografijom,
- stimulisanju i razvoju umjetničke fotografije i utvrđivanju standarda za njeno vrednovanje,

- organizovanju izložbi fotografija od državnog do međunarodnog značaja, te organizovanju prezentacije bosanskohercegovačke fotografije u svijetu,
- planiranju i provođenju edukativne djelatnosti u oblasti fotografije te u tom cilju ostvarivanju saradnje sa zainteresovanim organizacijama i državnim institucijama u organizaciji kurseva, seminara, predavanja i prezentacija,
- utvrđivanju nastavnih obrazovnih programa u oblasti fotografije,
- utvrđivanju sistema vrednovanja fotografije i autora fotografa,
- ostvarivanju međunarodne saradnje, a posebno sa FIAP-om i drugim srodnim regionalnim organizacijama,
- učešću u planiranju i organizovanju zajedničkih akcija i manifestacija sa Zajednicom tehničke kulture BiH i drugim organizacijama i zajednicama u oblasti kulture i tehničke kulture
- organizaciji izdavačke djelatnosti kao i informativno - propagandne djelatnosti u oblasti fotografije,
- stimulisano organizovanju u oblasti fotografije i koordinaciji aktivnosti sa osnovnim organizacijama, sekcijama i foto grupama,

AUF BiH vrši i druge poslove koji proizilaze iz gore navedenih ciljeva i zadataka.

V Djelatnost

Član 8.

AUF BiH vrši sljedeće djelatnosti :

- organizuje izložbe fotografija, smotre kolor dijapozitiva i druge vidove fotografske i multimedijalne prezentacije
- organizuje fotografske susrete i prezentacije fotografske tehnike i tehnologije
- izdaje knjige, časopise, biltene i druge publikacije iz oblasti fotografije
- utvrđuje kriterije za sticanje strukovnih zvanja u oblasti umjetničke fotografije, te dodjeljuje međunarodna zvanja u skladu sa Statutom Svjetske fotografske federacije (FIAP) čiji je ravnopravni član
- utvrđuje kriterije i dodjeljuje stručna instruktorska i nastavnička zvanja u oblasti fotografije
- utvrđuje kriterije i dodjeljuje priznanja i nagrade za ostvarene rezultate udruženim organizacijama i pojedincima
- informiše javnost o postignutim rezultatima u oblasti fotografije

Član 9.

Radi realizacije ciljeva i zadataka utvrđenih programom rada, ovim statutom, te obezbjeđivanja sredstava za stvaranje materijalnih uslova za izvršavanje tih zadataka FS BiH se može baviti privrednom djelatnošću u skladu sa Zakonom .

VI Članstvo, prava i dužnosti članova

Član 10.

Član AUF BiH može biti svaki državljanin BiH, koji redovno plaća članarinu i koji prihvata odredbe ovog Statuta i drugih dokumenata AUF BiH.

Učlanjivanje članova vrši se u AUF BiH i u udruženim organizacijama.

Član 11.

Visinu članskog doprinosa i način plaćanja članarine donosi Upravni odbor AUF BiH. AUF BiH na osnovu ovlaštenja FIAP-a vrši poslove koji proističu iz članstva u ovoj organizaciji.

Član 12.

Prava i dužnosti članova su :

- da rade na ostvarivanju programskih zadataka
- da biraju i da budu birani u sve organe
- da aktivno učestvuju u svim vidovima djelovanja

- da uredno plaćaju članarinu,
- da se pridržavaju Statuta i drugih dokumenata
- da budu informisani o aktivnostima u AUFBiH

Član 13.

Članstvo u AUFBiH prestaje članu koji nije izmirio članarinu, prekidom članstva i odlukom organa AUFBiH ili kluba udruženog u AUFBiH.

VII Organizacija**Član 14.**

U AUFBiH se udružuju udruženja, klubovi, foto grupe i foto sekcije.

Član 15.

Klubovi su osnovne organizacije sa statusom pravnog lica, koje imaju Statut i koje su registrovane kod nadležnog državnog organa u skladu sa zakonom.

Član 16.

Foto sekcije su organizovani oblici djelovanja u oblasti fotografije koje djeluju pri i u okviru obrazovnih ustanova, drugih udruženja, preduzeća i institucija. Evidencija o foto sekcijama vodi se u AUFBiH.

Član 17.

Foto grupu čine najmanje tri člana koji se udružuju u cilju bavljenja kreativnom fotografijom. Foto grupe se registruju u AUFBiH. Bliže odredbe o radu i djelovanju foto grupa uređuje se Pravilnikom koji donosi Upravni odbor.

Član 18.

Udružene organizacije iz člana 15. i člana 17. imaju pravo i obaveze da:

- biraju svoje predstavnike u AUFBiH na osnovu Statuta i odluka
- rade na ostvarivanju programskih načela, ciljeva i zadataka utvrđenih ovim Statutom i planskim dokumentima
- pridržavaju se odluka nadležnih organa AUFBiH
- vrše uplate članskih i drugih doprinosa za finansiranje određenih funkcija AUFBiH, kao i za provođenje zajedničkih akcija

Član 19.

Foto sekcija iz člana 16. ovog Statuta svoj pravni status ostvaruju u organizaciji u kojoj je formirana. AUFBiH može formirati strukovne sekcije kao što su sekcije fotoreportera, profesionalnih fotografa i sl. koje svoju programsku djelatnost ostvaruju putem Foto saveza BiH.

Član 20.

Opšta akta udruženih članica moraju biti u skladu sa ovim Statutom.

Član 21.

Udružene organizacije mogu se udruživati u druga opštinska, gradska i regionalna udruženja kojima je od interesa razvoj fotografije.

Član 22.

Udružene organizacije koje djeluju na području neke regije mogu po potrebi formirati regionalno udruženje. Regionalno udruženje formiraju najmanje tri osnovne organizacije. Bliže odredbe o regionalnom udruživanju utvrđuje Skupština svojom odlukom.

VIII Unutrašnja organizacija**Član 23.**

AUFBiH ima Skupštinu, Upravni odbor i Nadzorni odbor.

Skupština**Član 24.**

Skupština AUFBiH(u daljem tekstu: Skupština) je najviši organ AUFBiH.

Član 25.

Skupštinu čine predstavnici udruženih organizacija AUFBiH čiji se broj utvrđuje odlukom Upravnog odbora.

Član 26.

Skupština se održava prema potrebi, a najmanje jedanput u četiri godine.

Član 27.

Pripremu Skupštine, prijedloge dnevnog reda i radnih tijela Skupštine, prijedloge materijala koji će se razmatrati na Skupštini vrši Upravni odbor.

Član 28.

Skupština u okviru prava i dužnosti AUFBiH:

- donosi Statut AUFBiH
- donosi dugoročne programe rada i aktivnosti, razmatra izvještaj o svom radu, radu Nadzornog odbora, radu Upravnog odbora, kao i ostalih tijela i oblika djelovanja
- razmatra pitanja, donosi odluke i druga akta koja se odnose na:
- dodjelu nagrada i priznanja za društveni rad pojedincima te organizacijama koje su doprinjele razvoju fotografije
- udruživanje FS BiH u druge asocijacije i organizacije
- izbor i imenovanje članova Upravnog odbora, Nadzornog odbora, predsjednika i potpredsjednika i predstavnika AUFBiH u drugim organima i organizacijama i drugim sličnim asocijacijama
- način sticanja vlastitih prihoda
- finansijsko-materijalno poslovanje AUFBiH
- javnost rada AUFBiH

Član 29.

Mandat članova Skupštine je četiri godine.

Mandat članu Skupštine prestaje i prije isteka vremena na koji je izabran ako redovno ne plaća članarinu, ako je opozvan od strane kluba, sekcije ili foto grupe i ako podnese ostavku.

Član 30.

Skupština odlučuje većinom glasova od ukupnog broja prisutnih članova Skupštine, ako ovim Statutom nije drukčije određeno.

Član 31.

Skupština ima Poslovnik kojim se naročito regulišu pitanja unutrašnje organizacije i rada Skupštine, postupak donošenja odluka i drugih opštih akata, načina glasanja i druga pitanja od značaja za efikasan i racionalan rad Skupštine. Poslovnik se donosi većinom glasova prisutnih članova Skupštine.

Član 32.

Član Skupštine je dužan da redovno prisustvuje sjednicama Skupštine o čemu se vodi posebna evidencija.

Bliže odredbe o pravima i dužnostima članova Skupštine uređuju se Poslovnikom.

Član 33.

Skupština ima predsjednika i podpredsjednika koje bira iz redova članova. Mandat predsjednika i podpredsjednika Skupštine je četiri godine sa mogućnošću ponovnog izbora. Predsjednik, odnosno podpredsjednik Skupštine je, istovremeno, predsjednik odnosno podpredsjednik Upravnog odbora. Podpredsjednik Skupštine obavlja i dužnost koordinатора sa svjetskom fotografskom asocijacijom (FIAP lising officer).

Član 34.

Predsjednik:

- predstavlja i zastupa AUFBiH
- saziva sjednice Skupštine, Upravnog odbora i rukovodi njima
- stara se o provođenju Statuta, poslovnika, odluka Skupštine i Upravnog odbora i drugih do-

kumenata

- koordinira rad radnih tijela i drugih oblika djelovanja
- koordinira radom članova Upravnog odbora
- je naredbodavac za izvršenje svih odluka koje su finansijske prirode
- stara se o provođenju programa rada, a vrši i druge poslove za koje ga ovlasti Skupština i Upravni odbor.

Član 35.

U slučaju odsutnosti predsjednika zamjenjuje podpredsjednik, a u slučaju i njegove odsutnosti jedan od članova Upravnog odbora. Za svoj rad predsjednik i podpredsjednik odgovorni su Skupštini i Upravnom odboru.

Član 36.

Ako predsjednik ne sazove Skupštinu na vrijeme i na način utvrđen Statutom, Poslovníkom i programom rada, Skupštinu može sazvati Upravni odbor ili najmanje 1/3 članova Skupštine.

Nadzorni odbor

Član 37.

AUFBiH ima Nadzorni odbor čije članove imenuje Skupština. Nadzorni odbor čine dva člana i predsjednik. Mandat članova i predsjednika Nadzornog odbora je četiri godine.

Član 38.

Stavove, mišljenja i prijedloge Nadzorni odbor utvrđuje većinom glasova članova Nadzornog odbora. Nadzorni odbor izvještaj o svom radu podnosi Skupštini.

Upravni odbor

Član 39.

Upravni odbor je izvršni organ Skupštine.

Upravni odbor čine predsjednik, podpredsjednik i do maksimalno 5 članova.

Mandat članova Upravnog odbora je četiri godine.

Član 40.

U slučaju potrebe Upravni odbor može imenovati generalnog sekretara AUFBiH. Odlukom Upravnog odbora detaljnije se utvrđuju prava, nadležnosti, obaveze i status generalnog sekretara AUFBiH.

Generalni sekretar nije član Upravnog odbora.

Član 41.

Poslovníkom i posebnom odlukom Skupštine potpunije se reguliše pitanje imenovanja i opoziva članova Upravnog odbora. Upravni odbor može održavati sjednice putem savremenih oblika komunikacije e-mail konferencije, video konferencije i slično.

Član 42.

Upravni odbor vrši sljedeće poslove i zadatke:

- izvršava odluke, zaključke i preporuke Skupštine,
- priprema i predlaže stavove, odluke i inicijative Skupštini iz njene nadležnosti
- donosi pravilnike, poslovnike i druge normative koji regulišu oblast kreativne fotografije
- inicira i provodi dogovore i sporazume sa pravnim licima
- ostvaruje međunarodnu saradnju AUFBiH, utvrđuje prijedloge i inicijative na osnovu materijala FIAP-a, za nastup delegata AUFBiH na Kongresu FIAP-a
- kandidovanje i organizaciju izložbi, smotri i drugih manifestacija međunarodnog karaktera
- podnosi izvještaj Skupštini o svom radu
- imenuje direktore i drugi rukovodni kadar preduzeća i ustanova čiji je osnivač AUFBiH
- imenuje generalnog sekretara AUFBiH
- predlaže kandidate za zvanja FIAP-a
- donosi odluke o:
 - načinu i metodu organizacije rada

- realizaciji finansijsko-materijalnog poslovanja
- donošenju opštih akata iz svoje nadležnosti
- o svim pitanjima za koje ga ovlasti Skupština.

Upravni odbor vrši i druge poslove i zadatke iz nadležnosti AUFBiH koji nisu u nadležnosti nekog drugog organa, ili za koje ga ovlasti Skupština.

Član 43.

Upravni odbor ima Poslovnik o svom radu kojim se naročito utvrđuje način donošenja odluka, obaveze članova i formiranje radnih tijela i oblika djelovanja, imenovanje rukovodioca pojedinih projekata i sl.

VIII Udruživanje

Član 44.

AUFBiH se na osnovu ugovora udružuje u Zajednicu tehničke kulture Bosne i Hercegovine. AUFBiH je član Međunarodne federacije umjetničke fotografije (FIAP), kao i drugih međunarodnih asocijacija regionalnog karaktera koje su od značaja za razvoj fotografije.

IX Javnost rada

Član 45.

Rad AUFBiH i njegovih organa je javan. Javnost rada obezbjeđuje se:

- objavljivanjem aktivnosti u sredstvima informisanja
- objavljivanjem aktivnosti na web stranici
- javnim održavanjem sjednica
- podnošenjem izvještaja o radu i aktivnostima
- pozivanjem sredstava javnog informisanja na sjednice organa.

Organi AUFBiH samo u posebnim slučajevima mogu raditi bez prisustva javnosti, a o razlozima takvog postupanja dužni su na adekvatan način informisati javnost.

X Finansiranje

Član 46.

Sredstva za finansiranje ciljeva i zadataka FS BiH obezbjeđuje se:

- iz sredstava udruženih organizacija za realizaciju konkretnih programa
- iz sredstava Zajednice tehničke kulture BiH po osnovu udruživanja
- marketinga, reklame i propagande
- organizacijom programa
- donacija i sponzorstva
- od članarine
- od imovine preduzeća kojima je AUFBiH osnivač
- donacija
- i na druge načine u skladu sa zakonom.

Član 47.

Sredstva AUFBiH mogu se raspoređivati i trošiti samo za ostvarivanje ciljeva i zadataka utvrđenih ovim Statutom, programom rada i odlukama organa AUFBiH.

XI Zastupanje i predstavljanje

Član 48.

AUFBiH zastupaju i predstavljaju predsjednik i podpredsjednik. Upravni odbor može svojom odlukom odrediti lice za zastupanje i predstavljanje.

XII Prestanak rada

Član 49.

AUFBiH prestaje sa radom kada to odluči Skupština i na osnovu zakona. Skupština donosi odluku o

prestanku rada konczynusom. U slućaju prestanka rada AUFBiH sva njegova imovina prenosi se organizaciji koja nastavlja njen rad, do ponovnog formiranja AUFBiH. Ukoliko ne dođe do ponovnog formiranja u roku od 12 mjeseci ili ne postoji organizacija koja nastavlja djelatnost, imovina se stavlja na raspolaganje Zajednici tehnićke kulture BiH. Sve odluke o raspodjeli i raspolaganju imovinom u slućaju prestanka rada donosi Skupština.

XIII Donošenje statuta, izmjene i dopune statuta

Ćlan 50.

Statut kao najviši akt AUFBiH donosi Skupština. Statut se smatra donesenim ako za njega glasa više od polovine ćlanova Skupštine.

Ćlan 51.

O izmjenama i dopunama Statuta odlučuje Skupština. Izmjene i dopune Statuta moće predložiti i Upravni odbor.

Izmjene i dopune Statuta donose se na naćin i po postupku po kome se donosi Statut.

XIV Prelazne i završne odredbe

Ćlan 52.

Pitanja od interesa za rad AUFBiH i udrućenih organizacija koja nisu regulisana ovim Statutom regulišu se pravilima, odlukama, poslovnicima i drugim aktima koje donose organi AUFBiH.

Ćlan 53.

Pravo tumaćenja ovog Statuta ima Skupština, a između dvije sjednice Skupštine Upravni odbor.

Ćlan 54.

Ovaj Statut stupa na snagu danom donošenja. Stupanjem na snagu ovog Statuta prestaje da vaći dosadašnji Statut FS BiH.

Predsjednik :

Boćanović Ozren

AUFBiH je registrovan pod rednim brojem 91/03 od 29.04.2003. godine kod Ministarstva pravde Bosne i Hercegovine.